

Gij Vah Youqgaenj “Caet It” Siz Ginbingz Youq Gvangjsih Fanjyiengj Hoenghhwd

习近平“七一”重要讲话在广西引发热烈反响

7 nyied 1 hauh gyanghaet 8 diemjung, guek raeuz youq Baekging Denh' anhmwnz Gvangjczangz haiguh Aen Daihhoh Angqhoh Cunghgoz Gungcanjdangj Laebbaenz 100 Hopbi. Gvangjsih gak cuz ganbu vunzlai foenfoen ngonzyawj gij cigboq daihhoh. Gij vah youqgaenj Siz Ginbingz cungjsuhgi gangj haenx yinx vunzlai gih raeuz lwnh dwk naemq raixcaix, gyoengqvunz gak dieg fanjyiengj hoenghhwd.

Ngoenzde, Yungzsuij Myauzcuz Swciyen Yenveij Dungcanbu cujiz vunzlai ndawyienh doxcaez yawj le gij cigboq aen daihhoh. “Gij vah Siz cungjsuhgi dwg gij senhyenz seizdaih, dou cungj roxnyinh gamjdoengh dangqmaz. Youz aendangj lingjauj, dou aeu youq seizgeiz moq guh'ok cingzci moq. Gij dungzci guh hong minzcuz cunghgyau engq aeu roengzrenz buekguh, guhhoengh lajmbanj, fugsah vunzlai.” Vuz Cincuh boux fubucangj Yungzsuij Yenveij Dungcanbu, bouxgizcangj Minzcunghgiz yienghneix

naeuz.

Gyaj Fungyingh bouxganbu gaenq duiyouh haenx venj le aen “miznaj youq dangj 50 bi” geiqniemhcieg ngonzyawj le cigboq. De naeuz: “Dingq le gij vah cungjsuhgi, gou roxnyinh gig miznaj! Yienz naeuz gou laux lo hoeng swhsiengj mbouj laux bw, gou dwg gungcanjdangjyenz, yaek laebdaeb guh yienghndei, okrenz hwnqguh aen Mbanjmyauz doxgiet, doxhuz, baenzmiz, vwnzmingz ndeu.”

(Cinz Cunghdwz / 陈忠德)



▲Beixnuengx Myauzcuz doxcomz yawj daihhoh.

Liu Sujiyen ingj



▲Denzyangz cujiz vunzlai ngonzyawj cigboq.

Vangz Yingj ingj

Bwzswz Si Minzcunghveij caemh cujiz daengx si minzcuz cunghgyau hidungj yawj daihhoh caemhcai nyinhcaen hag gij vah youqgaenj Siz Ginbingz cungjsuhgi. Daihgya nyinhnaeuz, aen Dangj-cunghyangh aeu Siz Ginbingz dungzci guh ceahsim, guh ndei hong swhgeij, okrenz dawz guek raeuz cauuhguh baenz aen guekak sevei cujyi yendaiva, saedyienh aen loqsiengj Cungguk—Cunghvaz Minzcuz fukhwng hungmbwk. Daihgya yaek laebdaeb aeu aen

Swhsiengj Sevei Cujyi Miz Gij Daegsaek Cunghgoz Seizdaih Moq Siz Ginbingz bae yinx roen, engq gaenjaed doxgiet youq seiqhenz aen Dangj-cunghyangh aeu Siz Ginbingz dungzci guh ceahsim, guh ndei hong swhgeij, okrenz dawz guek raeuz cauuhguh baenz aen guekak sevei cujyi yendaiva, saedyienh aen loqsiengj Cungguk—Cunghvaz Minzcuz fukhwng hungmbwk.

(Veiz Dingz / 韦婷)

Gyoengqvunz aen dieg banggunz laeng Cungzcoj Si Dasinh Yen Sinhgingh Segih caeuxcaux couh youq aen veiyisiz deq yawj cigboq lo.

Boux suhgi Sinhgingh Segih Dangj Cungjihbu sim' angq naeuz: “Haxbaenh dingq le gij vah cungjsuhgi, seizneix aen sim gou lij diuq ndaej gig vaiq. Siz cungjsuhgi ngeuxyawj le bak bi lizsij aendangj, cunggez caeuq daezok gij cingsaenz laebbaenz aendangj hungmbwk haenx. Seizdaih moq seizgeiz moq, yaekaeu guhsaed gij cingsaenz neix, caez sim comz rengz bae cienzmienh laebbaenz

aen guekak sevei cujyi yendaiva. Gyoengq ganbu gihcwngz aeu dawz saeh vunzlai cuengq haeuj sim, yawjnaek gij leih'ik vunzlai, vih ginzung guh saedsaeh, guh vunz cix aeu cingq, aeu seuqcingh. Gou yaek daiqlingx vunzlai segih ciengxlwenx riengz aendangj byaij, laeb ceiq mbouj baengh vunz, gag baengh fajfwngz cauuh, doengzsim caez cauuh ndwenngoenz ndei.”

(Nungz Siuifung / 农小凤)

► Vunzlai Dasinh yawj dwk gig sim' angq.

